

佛說初分說經卷下

功五

西天譯經三藏朝奉大教光祿卿傳法大師賜紫臣施護奉 詔譯

爾時優樓頻螺耆年迦葉與五百眷屬還詣佛所到已偏袒右肩右膝著地合掌頂禮而白佛言世尊我今歸佛出家奉持戒律願佛攝受佛言善來汝今於我法中修持梵行時

彼迦葉鬚髮自落袈裟被身執持應器成苾芻相

爾時尊者優樓頻螺迦葉即以其髮奉上世尊作如是言世尊此我之髮用拭佛足願佛慈悲受我所獻如是迦葉既出家已彼諸眷屬亦各出家

復次迦葉即時取彼先事火具所謂淨草虎皮牛皮果樹皮三杖淨水鉚珂哩哥潔淨器等而悉棄擲泥連河中

爾時那提迦葉在於彼河下流之側與三百眷屬俱見所棄擲事火之具流至彼已乃作是念我兄優樓頻螺耆年迦葉豈非為彼人

或非人所惱害邪若不然者何故棄擲所用之物作是念已即與眷屬往詣其所到已乃見兄及五百眷屬俱在佛邊而為苾芻修持梵行即作是言我兄優樓頻螺此摩伽陀國王及人民尊重恭敬供養於汝汝於今時何所見聞乃於大沙門邊而能出家修持梵行

我觀是事甚為希有優樓頻螺迦葉言佛世尊者具大神通有大威力能作種種神變等事我見是相乃發淨信於佛法中出家修道汝今宜應亦發淨信歸佛出家是時那提迦葉聞其語已發出家心即與眷屬前詣佛所偏袒右肩右膝著地合掌頂禮而白佛言世

尊我等歸佛出家奉持戒律願佛攝受佛言善來汝今於我法中修持梵行時彼那提迦葉鬚髮自落袈裟被身執持應器成苾芻相彼諸眷屬亦各出家

復次那提迦葉即時取彼先事火具所謂淨草虎皮牛皮果樹皮三杖淨水鉚珂哩哥潔

淨器等而悉棄擲泥連河中

示時伽耶迦葉亦在彼何下流之側與二百眷屬俱見所棄擲事火之具流至彼已乃作是念我兄優樓頻螺迦葉那提迦葉豈非為彼人或非人所惱害邪若不然者何故棄擲所用之物作是念已即與眷屬漸次前詣詢

功五

二

問其故乃見二兄并諸眷屬俱在佛邊而為苾芻修持梵行即作是言我兄優樓頻螺此摩伽陀國王及人民尊重恭敬供養於汝汝於今時何所見聞乃於大沙門邊而能出家修持梵行我觀是事甚為希有優樓頻螺迦葉言佛世尊者具大神通有大威力能作種種神變等事我見是相乃發淨信於佛法中出家修道汝今宜應亦發淨信歸佛出家

是時伽耶迦葉聞其語已發出家心即與眷屬前詣佛所偏袒右肩右膝著地合掌頂禮而白佛言世尊我等歸佛出家奉持戒律願佛攝受佛言善來汝今於我法中修持梵行

時彼伽耶迦葉鬚髮自落袈裟被身執持應器成苾芻相彼諸眷屬亦各出家復次伽耶迦葉即時取彼先事火具所謂淨草虎皮牛皮果樹皮三杖淨水餅珂哩哥潔淨器等而悉棄擲泥連河中如是三迦葉并諸眷屬俱出家已時尊者優

樓頻螺迦葉於眷屬眾中即謂一人言汝往頻婆娑羅王所如我詞曰優樓頻螺迦葉告白王言我今并弟眷屬俱已隨佛出家修道我先受王諸有信施今日已還願王止息使人受命即往白王

功五

三

往詣象頭山到已安止即作是念迦葉眷屬雖復耆舊先事火天宗信火法而不能知諸法無常我今為說世尊作是念已即時躡身於虛空中現大火燄光明熾盛如是現已還復本座告諸苾芻言汝等當知眼根無常色境無常眼識無常眼觸無常眼觸為緣所生

苦樂捨受皆悉無常耳鼻舌身意識根無常聲香味觸法境無常耳鼻舌身意識無常耳鼻舌身意觸無常耳鼻舌身意觸為緣所生諸受皆悉無常諸苾芻貪火無常瞋火無常癡火無常生老死憂悲苦惱皆悉無常諸苾芻是故汝等應如是知諸法無常

復次諸苾芻汝等當知眼根不受色境不受眼識不受眼觸不受眼觸為緣所生諸受皆悉不受耳鼻舌身意識根不受聲香味觸法境不受耳鼻舌身意識不受耳鼻舌身意觸不受耳鼻舌身意觸為緣所生諸受皆悉不受諸苾芻由如是故一切法不受以不受故即

遠離塵垢而得解脫我生已盡梵行已立所作已辦不受後有佛說是法時會中有六十苾芻不受諸法得心解脫餘諸苾芻亦悉知法亦時世尊說是法已與苾芻眾往詣杖林山到已安止世尊乃為諸苾芻現三種神通所謂神境通說法通教誡通以如是神通而示

利喜佛言諸苾芻汝等應當如是作意如是伺察如是了知當如是行即獲利樂時諸苾芻於是三種神通等事而悉見聞示利喜已會中有得心解脫者說是伽陀曰

象頭山與杖林山 世尊說法現神變
攝伏外道歸正真 使彼邪心皆解脫

亦時世尊謂苾芻眾言我今欲入王舍大城時頻婆娑羅王初聞有如來應供正等正覺明行足善逝世間解無上士調御丈夫天人師佛世尊十號具足出興於世於諸天人梵魔沙門婆羅門大眾中以自智力而成正覺宣說諸法初善中善後善文義深遠純一無功五

雜圓滿清白梵行之相彼佛會中有優樓頻螺迦葉那提迦葉伽耶迦葉并諸眷屬歸佛出家修持梵行是佛世尊今日欲入王舍大城其王即勅修治王城內外街巷道陌悉令清淨燒眾名香散諸妙華張設珠瓔樹立幢蓋如是普徧處處嚴麗乃至城中一切人民

發歡喜聲互相得聞時頻婆娑羅王被新妙衣著衆寶履嚴整四兵與無數眷屬前後導從出王舍城迎候世尊其王與諸眷屬出城向遠漸近世尊王乃下車徒步而進

今時世尊與諸苾芻前後圍遶詣王舍城王及眷屬見佛遠至肅恭前迎從佛入城佛入

城時城中人民異口同音說伽陀曰

世尊入此王舍城 出現師子光明相

解脫耆年清淨衆 彼彼恭敬而圍遶

今時頻婆娑羅王前導世尊往迦蘭陀竹林園中到已世尊周徧觀察王乃為佛敷設其座佛處座已諸苾芻衆各居佛後是時王及

眷屬衆中有禮佛足者有但合掌頂禮者有發歡喜心者有隨發歡喜心即生愛樂者如是各各伸敬已退坐一面王乃復從座起徧袒右肩右手執持上妙金餅出妙香水灌世尊手灌已白言我此園林奉上世尊并四方僧安止受用此是最初園林布施惟願世尊

功五

五

為我納受佛即為受王禮佛足已向尊者優樓頻螺迦葉前歡喜合掌作如是言迦葉此摩伽陀國中一切人民宗敬於汝我亦常所尊重供養汝今何所見聞歸佛出家修持梵行迦葉答言大王當知今佛世尊具大神通有大威力能作種種神變等事以是緣故我

發淨信歸佛出家時衆會中有生疑念此優樓頻螺迦葉今在大沙門邊修持梵行何所求邪此能歸心佛能攝受互見何相致如是耶又復衆中有作是言此優樓頻螺迦葉今在大沙門邊修持梵行不復能得頻婆娑羅王恭敬供養

今時世尊知衆疑已即告尊者優樓頻螺迦葉言迦葉汝今知時宜現神通是時迦葉受佛勅已隨其所應即入三今地猶如鵝王起現空中以神通力身上出火身下出水身下出火身上出水右邊出火左邊出水左邊出火右邊出水於其四方現行坐卧相現是神

通已從空而下還住佛前偏袒右肩右膝著地合掌恭敬頂禮世尊作是白言佛是我師我是聲聞弟子若我所知若我不知佛悉能知如佛所了知是為最上知佛言迦葉汝先所作事火之法汝見何義為於其中得寂靜耶能斷染耶如汝所作皆不解脫今問此義

汝隨應答迦葉白佛言我無智故先所不知世尊大龍善為救度令我今時見無上句世尊我先所作以飲食供設然火祀天實不解脫而飲食者設使美味種種具足終不能離三欲之數今蒙佛開導我如是見佛言迦葉又如汝所作事火等法於天人世間不可愛樂迦葉白佛言我今於佛正法見最上句住寂靜意畢竟不復墮於欲有別異教中更不修習是故棄捨事火等法
爾時尊者那提迦葉白尊者優樓頻螺迦葉言佛世尊者證涅槃法離過無染最上清淨出世說法廣大利益而汝迦葉亦能善說

功五

六

爾時尊者伽耶迦葉為頻婆娑羅王說伽陀曰
善來大王聽我說 我本居止伽耶山
正等正覺出世間 說涅槃句我得利
佛最勝者大象龍 無上調伏最上尊
無畏善御諸眾生 三摩四多心寂靜
我昔長夜心染污 起諸邪見不解脫

佛今破我邪見心 一切纏結皆消散
是時眾會疑念皆息乃知尊者優樓頻螺迦葉并諸眷屬歸佛出家修持梵行甚為希有
爾時世尊知彼眾會已息疑心乃為頻婆娑羅王等宣說法要如先佛世尊所說法式謂施論戒論生天之論欲為染污生諸過失愛若不生心即離障時王并諸眷屬聞是法已咸發淨信歸依佛法僧受持學句即於世尊起安樂心柔軟心最上心離障心無著心善順心是時世尊知王及眾心開意解如先佛世尊所說法式以無數方便復為宣說苦集滅道四諦法門時王并眾不起于座悉能了

知苦集滅道四聖諦理見法知法得白淨法
平等法堅固法安住法無恚法無壞法無瞋
法猶如白衣易受染色正等獲利亦復如是
時王并諸眷屬蒙佛宣說法要示利喜已從
座而起頂禮佛足是時有守空神守種子神
守國界神守事業神守草神守木神守畜類

功五

七

神守樹林神守道路神如是諸神咸作人言
互相謂曰世尊具大神通有大威力能作種
種神變等事即說伽陀曰

今日頻婆娑羅王 并諸眷屬歸依佛

聞法獲利竹林中 我等諸神亦歸佛

尔時頻婆娑羅王 并諸眷屬右遶世尊出離

衆會復次王舍城有一外道名刪闍夜與自
眷屬居止其中而刪闍夜後亡歿已彼二弟
子一名舍利子一名大目乾連是二弟子棄
捨彼衆已互相謂言我等二人若先有所證
必相告語後於一時有尊者烏波西那食時
著衣持鉢入王舍城次第乞食時舍利子見

彼尊者自遠而來諸根調寂威儀整肅即作
是念今此尊者威儀進止希有最上念已前
詣問言尊者汝師何人復說何法烏波西那
答言我師是大沙門於大衆中決定宣說無
屈伏力廣大法門舍利子言汝今可能於彼
法門若少若多爲我宣說烏波西那言我師

所說緣生之法緣生法者謂一切法從因緣
生從因緣滅復以是義說伽陀曰

若法因緣生 法亦因緣滅 是止滅因緣

佛大沙門說

時舍利子聞是法已遠塵離垢得法眼淨即
說伽陀曰

如是緣生妙章句 尊者爲我善開示

我於那庾多劫中 不見不聞今得遇

說是伽陀已又言尊者世尊今在何處烏波
西那答言世尊今在迦蘭陀竹林精舍又言
我今得詣世尊處不彼答言汝當隨意時告
舍利子憶念大目乾連先所言約今應往告念

已即往時大目乾連見舍利子進止威儀勝
彼先時知必證法乃謂舍利子言汝有所證
耶舍利子言世尊所說緣生之法烏彼西那
爲我略說我已證悟如彼所說伽陀曰
若法因緣生 法亦因緣滅 是生滅因緣
佛大沙門說

八末

大目乾連聞是法已遠塵離垢得法眼淨
佛說此經已迦葉等諸大聲聞及一切世間
天人阿脩羅乾闥婆等聞佛所說歡喜信受

佛說初分說經卷下

功五